

中国文献珍本丛书

晚清珍稀期刊续编
(三十九)

全国图书馆文献缩微复制中心

晚清珍稀期刊续编目录（三十九）

蜀报		一
扬子江		七一
北京五日报		二八三
滇话		三三七



蜀

报

蜀報

第 一 期

光緒二十九年閏五月二十二日發行

定價

本報定價每份一分

頁數

每張三十百字中本報以十六行爲準

寄書

各地寄書本館均費自負如有函件請向本館自取

定期

每月三閱十日爲一期過期不取本報自
日第一期以後入地十日起始自取

收據

凡領須先付銀官印費不給論

發行所

發行所在總場街第三十二號

廣告

凡欲登廣告者請向本館或各分館接洽
如欲登第一版者每行收銀一分
如欲登第二版者每行收銀八分
如欲登第三版者每行收銀六分
如欲登第四版者每行收銀四分
如欲登第五版者每行收銀二分
如欲登第六版者每行收銀一分
如欲登第七版者每行收銀八分
如欲登第八版者每行收銀六分
如欲登第九版者每行收銀四分
如欲登第十版者每行收銀二分

ACKNOWLEDGMENTS

新學大綱

與
世
共
進

吳大澂

1998

1

19

1954

1

10

... 1990

1. The first step is to identify the problem or question that needs to be answered. This involves understanding the context and the specific requirements of the task.

1. *Journal of the American Medical Association*, 1997; 278: 1039-1044.

蘇州府志

蜀報第一期目錄

論說

刊辭 原稟 論本報宗旨

又委司道充警督辦片

政治

岑制軍奏辦督察摺
直督袁江督張會奏請遞減中額摺
山東周中丞勸學示

學校

湖南蔡觀察致各州縣防營函
中東通商條約要目
中俄新約
中俄西藏礦山條約
日本商約大臣說帖

外交

比律賓統領圭拿羅陀傳
南阿新建國史敘
法蘭西愛國女子若安傳
岑制軍奏設成都勸工摺
江西礦政

藝術

俄國密約
英日告警
英日忠告
阻止俄約
學生義憤

雜誌

兵費將開
俄國來電
滬上公電
英美會議

時事要聞

英蘇戰爭
紙炮奇聞
裝電新法

外國新聞

粵海海聲
粵會風雲
湘人公憤
粵匪猖獗
滇蒙近事

各省新聞

鐵路述聞
米漲慘聞
南部奇災
宦海升沉

本省新聞

呈報蒞止
四川奏定警察章程
莫經卿歌

附錄

四川諸君公鑒

論說

刊辭

昔人以謂世有大變則大智生有小變則小智生外迫於勢斯內諱其要以人治世行之事起而必欲達其希望之點其智且闢其變自平故西儒之言曰中國者文明之世也今環球列強挾其生聚教訓之衆以憑陵我亞東數十年來巧攫豪奪國幾不國於是豎說以劣種之目日圖摧夷之以與棕黑人種列變則增劇智乃日晦隴然睡獅迄無驚覺之日豈芸芸軒胤誠彼波亞之不若耶足不履異域手不披新籍南北之情狀臆言風聽半失其真而界於禹域之外無論矣語保全則喜聞瓜分則疑舉一切主權而胥奉之實去名存猶相幸以爲無事得即安也更無論禍患之伏於微遠者矣無他津滬粵漢各報以外內地之見聞猶蔽於耳目之近也西人動以報紙之多寡覘國勢之盛衰或乃指主報之席歎爲十九世紀負絕大權力於三權之外彼豈詭詞飾說苟用欺世哉蓋欲執途人而語之非持此種種現狀印入其腦中無由刺激其國家之觀念也如以湯浸表其度宜升如以汽運機其輪自轉日日飭之浸潤之濡且以動心矧其爲太息流涕之言哉宋昭鄭重視乎此矣就近事而

徵之義和拳挾親貴之特權資武庫之利器爲衆數百萬神師在軍飛入入募卒之攻使館不克遇聯軍即縛乃至伏屍彌野神京淪陷

乘輿西狩全局動搖幸而成盟隨邊備奪國權廢削民力以償軍費者遠遺累數十年而未
有已所謂神附厥體硝彈不傷亦已智愚顛倒其妖妄矣而蚩蚩蜀氓轉欲揚其餘燼自取
焦爛前轍既覆來軌方遘不愈重可哀乎無亦流民之圖未覩斯王母之簪復行也夫排外
主義所以保己國之利權非不韙也然轉以之喪失所固有則排之之術無乃失其道矣西
國徵保護之稅定限束之制甚至巴黎博覽會舉其破壞英國工業之私顯布於公牘直欲
以法之製造爲排擊英國物品之兵器而顧無人譏其後者生存競爭之理則然也彼方遠
慮及於不可知之黃禍務竭其文明排外之術我乃瞽焉自蹈野蠻之所爲以孱弱之病夫
尋關於壯士不亦慎乎誠能變其魄力之排外爲膺力之排外弃攘夷之空論務新國之遠
圖彼伊藤大隈之新日本夫豈異人任哉鄙人生丁斯世日懷殷憂慨朝野之艱虞顧國民
之責任就力之所可及行事之所當爲不辭謫陋創爲蜀報將以輸入文明導進社會集衆
異以備思察濯舊見以啓新知要以提倡國民之精神爲主俾盡人知有權利之應得即盡

人知有義務之當盡目的既一愛力乃張羣事可與公益胥舉中國乃實有四千萬方里之土地四百兆丁口之人民由是而挽回已去之利權發達將來之國力固易易也若猶人人設諸他人則合四百兆人仍無一人日日俟諸異日則周二十世紀猶無一日悠悠忽忽遷流何極與其至他時爲亞拉飛曷甚及今日作嘉富洱我國民其熟思而審處之也印度波蘭爲鑒不遠嚮所矜爲神明之胄者顧乃任彼族之斥爲奴隸性質乎至或欲羨自由而背馳公例經營私益而蔑視社交斯又未能體合于合羣近化之理而不可置足於大地競爭之場者而豈所望于將來之中國少年哉

原稟

敬稟者竊處環球競雄之世門戶洞開之秋非以開通民智爲先雖有新法美政每多杆格難行此莫美俄德法日本諸國均以助興報館爲富強之嚆矢也查叻報館之事有三一免紙稅一代送報一籌資本是以出報既多而閱報之人亦廣無論何國之人居於何地五大洲凡有興革利弊無不周知立見合羣策羣力以相競勝必有以敵之而後止興也勃焉其所由來也非無故矣中國原本閉關自守士人罕知外事下至農工商賈更愚陋相安只

識守舊足以謀利不識維新更足以生利貧富既判強弱自分近來 朝廷有振興講求之明詔奈窮鄉僻壤未盡周知亦無從考察自申報盛行時務湘學繼之四民稍悟保守爲非無如四川僻居西域閩於見聞不知公法條約爲何端驚驚者專思排外以自高發難者反資入教以自固中外之見不融彼此之情不化而教案遂層見迭出莫可收拾戊戌余唐之禍方息壬寅神拳之患又起上貽 宵旰之憂勞下煩官吏之賠償創巨痛深視爲固然民智果開豈復有此至愚極悖之事防不勝防辦不勝辦長此終古以後何堪設想中外臣工有鑒於此故於新政條議中多以譯書報館爲首務如吏部尙書張直隸總督袁廣西巡撫王前年覆奏新條陳均有創立譯洋報館官報館或勸紳董各設報館一所之議前兩廣總督陶更札飭各屬購閱中外各報並出示曉諭軍民人等一體講閱領海報館酌用一人專司寄報取費月給工銀六兩以資津貼而政務處開辦條議所以有譯書報館隸於學校部一律妥籌辦法之奏也去年八月山西同知程清等集資開設晉報館曾蒙 前總督部堂岑在巡撫任內批准立案並札飭各州縣量方地之繁簡定銷數之多寡無非欲宣上德而通下情去已短而效彼長法良意美開辦至今風行一時不但有裨於晉省之政學即關係

於全局者亦非淺鮮。現在四川新政初張，百廢併舉，礦商警察以及文武各學堂，尙須逐漸推廣。奈官吏開導之術已窮，士民驚疑之意如故，是交涉之繁，措置之難，百倍於山西。非藉報館以婉陳得失，暢達是非，不易祛蒙昧之積習，收富強之速效。蓋民智開一分，新政即有一分進步，不待煩言而立見者也。身屬等竊維一國興衰，匹夫亦與有其責。既明知積弱之所由來，而不共圖補救挽回之策，殊有乖乎國民之義務。故不揣冒昧，自集資本開設蜀報館一所，十日出報一冊。其論說選錄宗旨，統以直隸官報及晉報爲範。而於各省各國之事，寔須有關於國計民生，如政治學術農工商賈諸新法，固宜博採旁搜，至臧否人物議論朝政與夫捕風逐影之談，概屏棄弗刻。若行之數年後，不能民智開風氣變，人人爭自奮興於新學新政以供國家之錄用者，無是理也。但慮開辦之初，非賴官力維持保護，必至阻滯多而銷售不廣，難以經久。理合據情呈請俯賜查核轉詳立案批示，准行再行詳擬章程辦法，開具清摺呈懇核奪，遵行寔爲公便。須至稟者。

護理總督部堂陳批：學務處案呈開設報館，洵開通民智之一助。該員等識見及之。擬自集資本設蜀報館一所，深堪嘉尙。其論說選錄既擬以直隸官報及晉報爲衡，而刪汰議論時

政賊否人物捕風逐影之浮談宗旨尙端取舍亦當應准如稟立案暫行試辦仰祈妥擬章
程稟候核示再飭各屬代銷以開風氣此繳

論本報宗旨

客有問於執筆人曰蜀報之刻其宗旨可得聞歟

執筆人曰今日之事變亟矣強國五十虎視鷹瞵剝肌敲髓吸盡脂膏左支右吾主權盡失
譬之儿上肉任人割取而四千萬里之方地四萬萬之人民碧血爲燐苦海成獄以開口岸
計之自粵東開五口而後而九口而十三口而十九口而二十餘口今則舟車可至之地無
不開碼頭立條約而商賈之生計窮矣以賠款計之由數十萬以至數百萬數千萬迄庚子
一役而至數萬萬何莫非民間之膏血而閭閻之生計窮矣以失地計之冲繩改安南暹羅
何亡朝鮮自主此猶曰藩屬也香港台灣割旅順九龍租黑龍江新疆劃界蹙地數千里而
膠澳又見告矣此獨非內地耶彼狡焉思啟者猶未已也倡割地瓜分之謀行經濟競爭之
策不識此後將何以應之而沿邊之險要已先失矣以傳教計之自立約保護以來所謂基
督教徒者挾其徒黨各屬以入我中國仇教之案層見迭出賠累不貲今則僻壤窮鄉拜堂

基布幾無一寸乾淨土狡黠者轉藉入教爲護符一涉教案中國官吏且緘口禁舌而不敢問是爲叢驅省也則宗教之害中於人心風俗矣此猶其顯而易見者其他若交涉應付之謬誤工藝商業之虧折暗中消耗者尙不知幾億萬厝火積薪而寢其上危險不可思議乃長夜漫漫酣睡未醒如燕雀處堂如魚游沸釜不亦大可哀乎今欲呼寐者而使之覺破頑固膠執之見舍其舊而新是圖非報章不爲功蓋今日而欲圖存非自強不可欲圖自強非變法不可欲圖變法非開民智不可報章者民智之先導而變法自強之起點也報館之設豈得已哉

客曰自強之機首在興學泰西諸國不以兵戰而以商戰名以商戰而實以學戰是以橫亘地球而莫之與京也今 朝廷悟排外之非布維新之政設管學大臣於京師創設大學堂各省皆立學校強迫學育自強之基礎首在於是奚俟報館之啾啾爲耶

執筆人曰予知歐美之強由於學校亦知其積數百年之時日靡十百萬之金錢經數千百輩名人之講習討論而後有此文明之一日乎中國自強固在振興學校然除京師及各直省垣聘有東西洋教習外其他府廳州縣率皆經費未充規制未備師範乏人因陋就簡敷

衍糖塞而欲人材輩出以濟國家之急難矣即使經費充裕規制詳備師範得人學校之制由小學以升大學由普通以及專門無速成無躐等收效終在十年以後此十年中事變之機才日迫吾民之排外仇教者又有以激之譬猶掛磬以救焚雅步以振溺急何能待且中西之大勢文名之風潮入學校者知之不入學校者不知也四萬人中入學校者不及萬分之一除學生外其守舊主義自若也其排外主義自若也行一新政則謗議沸騰敗一舊章則訛言四起百計阻撓多方壅遏嚮之與外人爲難者今且轉而與政府爲難矣更安望踴躍趨事乎民智不開法何由變法不能變何以自強不能自強何以圖於競爭之世報章朝排印幕遠傳議論之明快足以破其膠固發明之理想足以啟其見聞士人固無論矣即農工商賈凡識字者皆可日手一編見外人之富強則生羨心見中國之疲困則生憤心見工藝之奇巧則生效法心見金錢之漏出則生抵制心見賠款割地之紛至沓來也則生愛國心見種類之將亡爲印度爲波蘭也則生長懼心見人羣而我渙也則思合團體以禦之見人智而我愚也則思開學會以開之且也悟合羣進化之理則人人有發奮自見之心有國民義務之想則人之有敵愾同仇之心羣心既奮愛力乃張嚮之頑固膠執怠惰驕狠之習

渙然冰釋有不期然者且惟恐法之不變變之不速也南皮張孝達官保云強者學之於游
歷弱者學之於閱報不其然歟且目前學校林立凡夫內政之紛繁環球之變態國際之利
弊工業之盛衰商務之贏縮海陸軍之強弱與夫聲光電化身心倫物一切新學之進步皆
學生所有事會萃繙譯窮維報章是賴報章與學堂相輔而行者也自學堂不可無報章然
則報章者非民智而變法自強之起點歟

客曰是則然矣吾中國下之於上則晴雨有報糧價有報獄訟戶口莫不有報然皆憑空臆
造有同兒戲上之於下則有邸抄有京報所紀皆當時事實無所謂新理新學新政治也然
則中國之先固無所謂報也既而上海開設報館間附以內地之新聞外洋之近事其累牘
連篇者皆委巷之叢工商之告白耳自甲午後時事愈變報館愈多總其大概而論之謂國
民以立憲共和爲主義自政府爲壓制則有疾視長上之思謂文明則以崇拜外人爲宗旨
斥舊學芻犯則有破決藩籬之思譬之父兄與人角而不勝反助他人以毀其父兄師長學
問與人校而不勝反效他人而背其師長可乎此鄂督所以有禁新民清議之示也至內政
交涉則又臆言風聽半失其真展轉傳抄類難徵信他若閭閻細故藉作閒談游戲詞章徒

供把玩者更無論矣。奚有裨於文明之進化民智之發達乎。

執筆人曰：夫若藥不瞑眩，厥疾弗瘳。漢廷治安，賈生猶爲痛哭；唐室再造，模範且爲杞憂。今日之世，何世乎？弱肉強食，優勝劣亡，天演則然，物競如是。其禍至烈，其機至微，有心人觀大局之防危，痛生民之奴隸，發不恤綿大聲疾呼，詞氣之間，誠不能無過激。然所演說者，固團體鍊精神，育道德，輸泰西文明之風潮於亞東，所以輔中學之不及，非欲舉宗教而廢棄之也。發揮世界之公理，研究合羣之大義，進國家觀念於社會，所以保中國之獨立，非欲舉政府而弁髦之也。至溥海之交通，列強之向背，中國之民足不出里閭，目不覩新籍，各國之名號且不知也。遑論應付教會之名目，且不知也。遑論宗旨，一旦而語以變法，是猶強聒者而聽韶咸，瞽者而觀佳麗，宜其格格而不相入也。報章有聞必錄，應付交涉，則若列眉九州萬國，近在庭戶，振噴發譁，無逾此矣。人情間莊論則怠，閒恢諧則怡，雜錄詩文中其壞詞偉論逸事奇聞，亦足以開拓心胸，增長識見，固不僅淑情陶情之功也。且中國上下之情，壅遏不通久矣。甲午以前，固無所謂新政也。至今日而廢八股，停武科，開學堂，派游歷，裁冗官，設外務部，改政體，使才百廢俱興，未易屈指。此其先皆自報館倡之，報章上對政府有當盡之義。